



17546

I


Mag. St. SP.

*Skonieczny fabiani: Bellator Sarmaticus
in exemplari praestantissimo J. H. M. d. Sigism.
Kazanowski.*

PANEG. et VITAE

Polon. 4.

№ 369



BELLATOR SARMATICVS,

In exemplari præstantissimo

Illustrissimi ac Magnifici Domini,

D. SIGISMVNDI á KAZANOW
KAZANOWSKI,

Supremi Regiæ Camerae Præfecti,

Kochonausén: Soleceñ: Globuceñ: Mucharouieñ:

CAPITANEI

expressus,

Et

Illustrissimo ac Magnifico Domino,

D. NICOLAO GIZICKI,

Castellano Czernensi, &c. &c.

A

P. FABIANO SKONIECZNY, Officij & debitæ
obseruantia ergò Anno reparatæ salutis humanæ,

Supra Millesimum Sexcentesium Trigesimo quarto

OBLATVS.

CRACOVIAE, Typis Francisci Casarj, Anno 1634.





1754. I.
O. B. L. V. S.
L. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

I N A R M A
Gentilitia
Illustrissimorum DD.
GIZYC I O R V M.

GIZICIAS monstrant in Stemmata Lilia laudes,
Lilia candidulis candidiora rosis.
O quantum Patriæ spirant virtutis odorem!
O quantas meritis eiaculantur opes!
Consilium, pietas, candorque fidesque, decusque
Vestris in folijs Lilia amoena vigent.
Sarmaticis longum pulcherrima Lilia campis,
Florete & patrios condecorate choros.

FRANCISCVS DELPACH,
Stud: Almaz Acad: Crac.



ILLVSTRISS: ac MAGNIFICO D.
D. NICOLAO GIZICKI,
 Castellano Czernensi, &c. &c.

Macenati & Fautori suo amplissimo.

P. FABIANVS SKONIECZNY, cum caelesti à Deo
 Opt: Max: benedictione praesentissimam animae & cor-
 poris salutem propensissimo animo precatur.



*Ellatoris fortissimi, Illustrissimi ac
 Magnifici D. SIGISMUNDI
 KAZANOWSKI, Supre-
 mi Regiae Camerae Praefecti, Kocho-
 nausē: Soleceñ: Globuceñ: Mu-
 charouieñ: Capitanei, merita, virtutesq̃, non suto
 adulationis penicillo, ad ingratam ostentationem;
 sed vero, & minime adumbrato pietatis affectu, ad
 posteritatis imitationem depingo; & Tuo inprimis
 conspectui longè dignissimo Illustrissime ac Magni-
 fice Domine Castellane, Macenas & Fautor studio-
 rum meorum per quam obseruande, propono: ut ni-
 mirum is Vir gloriosissimus, qui Patriam consilio,
 ac presi-*

ac praesidio tuetur, Te verò Magnifice D. benivolentia & favore incredibili cōplectitur, in hominum gratissima memoria, & iucundissima veneratione (etiam dum est superstes) viuat & conquiescat. Neq̃ enim decet, aut ostentatricis antiquitatis, ficta exempla excutere ad stuporem, & admirationem; cum nobis liceat uti nostratibus exemplis, eorum virorum, qui hoc saeculo in summis honoribus Patrie, & amplissimo theatro Reipub. vigent, & florent: aut hoc auspiciatissimo anni initio, quo omnes mutuis votis & propensissimis desiderijs omnia sibi fausta, & felicia comprecantur, ingrati animi vitio (quod ab ingenuis animis esse debet alienissimum) laborare. Itaq̃ Illustrissimus ac Magnificus Dominus SIGISMUNDVS KAZANOWSKI, fructum laborum, meritorumq̃ suorum (que pro Patria, pro legibus, pro libertate, pro aris, & focis, gloriosissime sibi, Nominisq̃ Polono, Marte, Togaq̃ congeffit, ac concervauit) referat amplissimum, per illustrem magnorum Virorum commendationem, amplificet studia, augeat vigilias, contentiones maximas, pro bono communi suscipiat & intendat, ut excitet nobilissima ingenia, suas in laudes & encomia, ut vi-
A 3
geat,

geat, ut floreat, ut uiuat in omni fere posteritatis
memoria: ego equidem opere precium me facturum
arbitror, si hoc saltem exiguo laboris mei specimen,
minimam tanti Senatoris gloriæ portionem, affecu-
tus fuero, eamq̃ in Tuo Magnifice Dñe conspectu
longè nobilissimo exposuero. Neq̃ enim quam-
Tua sit maiorem huic opelle mee querere volo lu-
cem, cum præsertim hæc mihi meisq̃ studijs semper
benigna, semper fauens, semper illustris ac liberalis
fuit. Satis magnum expositum est mihi gloriæ thea-
trum, satis industriæ campus excellens apertus, si co-
ram Te gloriosissimi pariterq̃ fortissimi Herois lau-
des dictione mea perstrinxero: nam me luculenter
omnes explicare posse, nequaquam affirmare au-
deo: cum nullius sit tantum flumen ingenij, nulla
dicendi aut scribendi tanta vis, tantaq̃ copia, quæ
suffICIENTER fortissimi Senatoris merita, aut com-
prehendere possit orando, aut percensere numeran-
do. Patere itaq̃ me coram Te Magnifice Domine
virtutes, virtutumq̃ præmia honores, Patriæ Bella-
toris fortissimi exponere: in quibus tamen legen-
dis ac recensendis non grauem stylum, qui forsitan in
illis, ab alio merito requireretur, desiderabis non le-
nocinia verborum, phaleratumq̃ colorem dicenti

inue

inuestigabis, sed nimirum simplicia & candida re-
rum momenta; nudamq; veritatis imaginem con-
templaberis. Quanquam enim facile intelligam, quo
ingenio, quo spiritu & dicendi modo, Senatoris de
Repub. sine controuersia longè meritissimi virtutes
debeāt explicari: tamen quoniā tanta lucis splendor
oculos perstringit perturbatq; meos, suffecerit in obse-
quium promptam expedijsse voluntatē, & eloquen-
tiorum contentionem in apertum industrie campum
prouocasse. Equidem, eo quo soles animo, Illustriss:
Dñe bonarum artium cultores complecti, me quoq;
meumq; hoc exiguum quantumuis munus suscipies,
& in Tuum conspectum longè dignissimum admittes.
Tāta enim est Tua humanitas, tāta virtus, tanta pro-
pensio, tantaq; alacritas in me meisq; studijs promo-
uendis & amplificandis, ut amens sim, si aut has in-
grato silentio comprimere, aut de his dum mihi vita
superstes erit, non honorificam benemerendi prensare
debeam occasionem. Viue felix Illustrissime Do-
mine ad patrię Ecclesięq; decus & ornamentum, &
me, meumq; istum ingenij fetum patrocinio Tuo pro-
tege & complectere. Vale.

Illustriss: ac Magnifici D. V.

Deuotissimus

P. Fabianus Skonieczny.

IN ARMA GENTILITIA
Illustriss: DD. KAZANOVIORVM.



IN portis donec miles vigilâris apertis,
Securum tantis regnum erit & excubijs
Inuigila sælix, rigidos & concute Moschos
Quam valeas dextrâ, Thraxq; Scytheshq; dolet.

FABIANVS BOROWSKI,
Studiosus Eloquentia.

225. 1. 4.

BELLATOR

SARMATICVS,

In exemplari præstantissimo

Illustrissimi ac Magnifici Domini,

D. SIGISMVNDI à KAZANOW

KAZANOWSKI,

Supremi Regiæ Camerae Præfecti,

Kochonauſeñ: Soleceñ: Globuceñ: Mucharouieñ:

CAPITANEI

expressus.



I pro immortalibus Tuis in me
studiaq; mea beneficijs, nequa-
quam satis parem laudum meri-
torumq; Tuorum facere potero
commemorationem, Illustriss:
ac Magnifice Domine SIGISMVNDE KA-
ZANOWSKI, quæso obtestorq; Te, ne meæ
B potius

potiùs indoli, quæ Tuum semper in obsequium
pròptissima est, quàm magnitudini Tuarum vir-
tutum, idtribuendum putes. Nulla enim est tam
fælix tamq; beata, vel ingenij, vel eloquentiæ
vbertas, nulla rectè dicendi aut sentiendi, tanta
vis, tantaq; fælicitas, nullus genius, nullus Ora-
tionis impetus, atq; splendor, quo quisquam pos-
sit, Tua in patriam & Ecclesiam Dei vniuersa pro-
merita, non dicam complecti orando, sed per-
censere numerando. Verum & illud considera-
ti hominis esse puto, in summis magnorum He-
roum laudibus, balbutientem fateri potius infan-
tiam, & animi imbecillitatem, quàm superba ver-
borum iactatione, turgescere ad ambitionem:
& hoc iusti, ne minima quidem ingrati animi
suspicionem, apud fauentissimum benefactorem
laborare. At mihi quidem cùm insolens præci-
puè videatur illa in coaceruandis importunis
laudibus ostentatio, tùm impudens in iudicio:
non solum quod grauissimorum virorum acre &
solidum non extimescat iudicium (nam id qui-
dem quanquam sit apud ingenuos molestum ta-
men morbo quodam, vel potius iniquitate sæ-
culi,

culi, est iam vſu receptum) ſed etiam quod non
dubitet hâc temeritate inſolentis gloriæ, benè
meritorum Ciuium frequenter famam & inno-
centiam obſcuſcare, & obtundere. At verò hæc
Tua laus Illuſtriſſ: Domine, quam Tibi indiſerta
Oratione mea propono, tanto maior & illuſtrior
eſt, quanto maioribus eam Tibi meritis ac labori-
bus florentiorem vberioremq; reddidiſti. Non
inuiti eam Tibi conceſſerunt principes, qui Tuam
virtutem intimo amore proſecuti ſunt & com-
plexi: agnouerunt prudentiſſimi Patriæ Ciues, Se-
natus florentiſſimus toties audaxit, Patria & Reſp.
vniuerſa, Equeſterq; ordo nobiliſſimus, multis
honorum acceſſionibus, ſumma cum propenſio-
ne & conſenſu approbavit. Valuit ſemper apud
Te candor, nunquam valuit fucus & aſſentatio:
laboribus virtutem, virtutibus merita, meritis
famam, & illuſtre decus immortalitatis, quæ ſui-
ſti & confirmati. Quare neq; ſubuereor, ne me
quiſpiam Cenſor apud Te inſolenti virgulâ caſti-
get, cum nihil hac dictione mea, niſi quod ve-
rum, & omnino certum ſit, nihil niſi ſolidum,
nihil niſi magnum proponam. Loquar autem

apud Te tanquam præsentem, cum interea tu non
stylum, sed tela tractas, non Orationi sed castrorū
metationi attendis & inuigilas; non has Musas a-
maniore, sed rigidum Martem, sub rigido cælo,
contra rigidos ac perduelles Moschos exerces:
dum Serenissimo Regi præsens semper, præstoq;
ades, dum illius saluberrima consilia ingenio, la-
bores longè maximos promptitudine, vigilias a-
cerrimas, assiduitate, contentiones incredibiles
& periculosam belli aleam dexteritate, cæteraq;
Regis fortissimi munera, pro imperij gloria, pro
nominis Christiani dignitate, pro regni fama &
incolumitate, pro religione, pro libertate, pro
immortalitate, suscepta, cum alijs fortissimis
Principibus, vniuersoq; ordine Equestri, & exer-
citu numerosissimo promoues & adiuuas.

Ea est virtutis natura, atq; indoles, vt nunquā nisi
in laude maxima, iustissimisq; honoribus vigere
ac florere non possit. Nam quanquam ab intēpe-
rantis inuidiæ stimulis, nonnunquam pungatur,
prematurq;, nunquam tamen lædi, nunquam vllō
malitiæ impetu opprimi ac labefactari potest: cū
semper eius dignitas, splendor, integritas, apertam
erumpat.

erumpat in lucē hominū, sepiusq; oculos maleuolorum perstringat feriatq;, innocentes recreet, ac reficiat, suum decus, suamq; inuiolatam retineat, ac tueatur maiestatem. Age verò si tantum sibi virtus vendicat splendorem, viri virtutis amātes & gloriæ, nullumne decus à virtute, nullam pulchritudinem ac perfectionē consequentur? Cum præsertim communis hæc sit inter viros meritis eximios, & ipsam virtutem laudis gloriæq; possessio, commune bonum immortalitatis, communis participatio honorum, & ornamentorum longè maximorum. Vt enim virtus per viros illustres: sic illi per virtutem inclarescunt: cum alterum sine altero neq; intelligi, neq; penitus consistere posse videatur. Longè verò ab æquitate & veritate discrepat, quod Brutus moriens efflauit, virtutem in verbo tantum, & quodam nomine fluxo consistere, in rebus autem preciosis & immortalibus, nullum momentum, nullum certum pondus, vendicare dignitatis. Virtutem equidem, in pulcherrimis clarissimorum virorum exemplis laudamus, virtutem in rebus præclarè gestis commendamus, virtuti gloriam, laudem,

dem, immortalitatem, iure quodam hæreditario adscribimus ac concedimus: in virtute viros, & vicissim virtutem in viris nobilissimis, suspicimus & admiramur: cum neq; sine virtute viri, neq; virtus sine virorum opera, & mutuo quodam auxilio, intelligi ac perspicì possit. Itaq; Suadæ medulla, & parens eloquentiæ Romanæ Cicerō, cum furias illas Reip. Pisonem & Gabinium perstringit, qui M. Catonis grauiissimi & æquissimi Senatoris constātiā, & animi robur infirma quadā leuitatis suspicione aspergere & infuscare voluerunt, non minus virtutem in Catone, quàm Catonem in virtutis possessione retinet, & commendat. At etiam eo negotio (inquit in Oratione pro Pub. Sestio) M. Catonis splendorem maculare voluerunt, ignari quid grauitas, quid integritas, quid magnitudo animi, quid deniq; virtus valeret: quæ in tempestate sæua quiescit, & lucet in tenebris, & pulsa loco manet tamen, atq; hæret in patria, splendetq; per se semper, neq; alienis vnquam sordibus obsolescit. Quid illi ipsi viri ingeniosissimi qui sub inuolucris fabularum, & quibusdam velut simulachris, veritatis, & re-

condi-

conditæ sapientiæ depinxerunt imaginem, non-
nè certissimum virtuti Comitem honorem, in dis-
solubili vinculo coniunctum assignauerunt? Pro-
fer illud tuum gloriosissimum de virtute testimo-
nium disertissime Claudiane, vt intelligamus,
non minus Te altissimi Philosophi sensum in-
ter poëtas, quàm nobilissimi Poëtæ genium inter
Philosophos retinuisse. Panegyrim enim illam
Tuam ita in Consulatum Manlij Theodori effin-
xisti, vt in ea nec Philosophus maius robur, nec
Poëta exquisitiorem verborum apparatus re-
quirere posse videatur. Itaq; Tibi fauemus, Tibi
assentimur, Tecum loquimur sentimusque.

*Ipsa equidem virtus premium sibi solaq; latè
Fortuna secura nitet nec fascibus ullis,
Erigitur plausuq; cupit clarescere vulgi,
Nil opis externe cupiens nil indiga laudis,
Diuitijs animosa suis, immotaq; cunctis
Casibus, ex alta mortalia despicit arce:
Hanc tamen inuitam blandè vestigat, & vltro
Ambit honos.*

Itaq; prudentissimi ac sapientissimi Romani, in-
ter ingeniosissima sua decora & ornamenta, ædes
Hono-

Honori, atq; virtuti, gemella facie iunctim loca-
runt; commentum quod in re videmus, ibi merito
debere fulgere præmia honoris, vbi sunt illustria
merita virtutis. Sed quid ego hæc quasi dubia,
& minimè veritati consentanea reuoluo & exa-
mino, cum nemo sit adeò ipso sensu communi
& ratione destitutus, qui laudem, qui gloriam,
qui honesta præmia & ornamenta, nobilissimis
virtutibus audeat denegare. Præfulges iustissi-
mis barbarorum laureis ornatus Illustriss: ac Ma-
gnifice Dñe SIGISMVNDE KAZANOWSKI,
ad Te enim mea iam spectat Oratio, & merito
præfulges: Nunquam enim Tua illa virtus ma-
gno & heroico defixa pectore, & à maioribus ad
iustam transmissa imitationem, turpi languore
aut inertia præoccupata vel obfuscata fuit. Nam
vt omittam gloriosa stemmata, & gentis Tuæ illu-
stria monumenta fusa Oratione numerare, ne ex
alieno splendore, alienam Tuæ famæ atq; gloriæ
quærere videar lucem; quis non videt, te genti
Tuæ decus, maioribus similia merita & virtutes
adiēcisse? Qui cum in ea Rep. natus esses, quæ
omnes suos Ciues libertatis honore, aduersus
omne

omne dedecus obarmat & adornat, ita semper
verâ libertate vsus es, vt nihil vnquam abiectum,
nihil ab honestate discrepans, & dissonum, nihil
immoderatum, nihil nisi Te, Tuâque indole di-
gnum tractaris. Hæc vera libertas est, nunquam
à conscientia, nunquam à bonis moribus & legi-
bus discrepare. Nemo vllam audaciam Tuis in
factis, nemo in dictis importunitatem, nemo in
moribus leuitatem, nemo temeritatem in consi-
lijs, nemo vllò in negotio insolentiam, nemo
vel minimam suspicionem delicti, ne acerrimus
quidem inimicus, nisi idem esset insanissimus, in
vita notauit. Quanquam quæ Tibi inimici-
tâ vllò cum genere hominum intercedere potue-
runt, qui Tuâ comitate, humanitate, bencuolen-
tiâ ita deuincere soles singulos, vt amicos omnes
fauentissimos experiaris. Profectò non maior
magneti inest virtus, quâ rigidum ferrum ad se-
se attrahit, quàm tibi vis, atq; propensio, in amo-
ribus hominum comparandis. Magna hæc e-
quidem est laus, magnum viri in Rep. florentissi-
ma viuentis encomium, magnum decus & or-
namentum excellentis ac diuinæ propemodum
virtu-

virtutis: ita omnes actiones, omnia negotia, consiliaq; omnia, mores deniq; & vitam componere & attemperare, vt in summa diuersitate animorum & ingeniorum Ciuiliū, omnibus non omnino possis displicere: quod ne Iupiter quidem ipse, vt Theognides Græcus Poëta testatur affecutus est.

Οὐ γὰρ ὁ Ζεὺς
οὐδ' ὅων πάντας ἀνδάνη, στὲ ἀπείχων.

Si verò secundum Latini Poëtæ testimonium:

Principibus placuisse viris pulcherrima laus est.

Quis in eo munere SIGISMUNDO KAZANOVIO fælicior, aut fuit, aut esse potuit, qui omnibus hac ætate Regibus ac Principibus placuit vehementer. Placuit STEPHANO BATHOREO perspicacissimo illi Argo in optimis Ciuium ingenijs diiudicandis. Placuit SIGISMUNDO III. prudentissimo & sapientissimo Regi, in consilijs aptè ordinandis, & bonis Ciuibus ornandis: placuit semper, & etiam num placet VLADISLAO IV. Regi nostro potentissimo atq; fælicissimo: cuius benignitas, fauor, propensio, liberalitas, in gentem KAZANOVIAM,

VIA M, tanquam ex Amaltheæ cornu, longè fa-
licissimis accessionibus in dies crescit & propa-
gatur. Quod quidem illis meritò, atq; optimo
iure contingit. Quis enim est illis aut nobilitate,
aut vitæ integritate, aut optimarum artium stu-
dijs, aut liberalitate, aut rebus Marte Togâq; ge-
stis, aut vlllo genere laudis præstantior? Creuit
& floruit semper omnibus sæculis, scientia rei
militaris, atq; fortitudo in domo KAZANO-
VIA, sed hac potissimum tempestate, in Illustriss:
MARTINO KAZANOWSKI, quem hoc
superiori anno campestrium copiarum salutaui-
mus Imperatorem: clarissime eluxit, & sese in
apertissimum gloriæ campum extulit & explica-
uit. Hic ego de illius laboribus in negotijs, for-
titudine in periculis, industria in agendo, celeri-
tate in conficiendo, consilio in prouidendo, cæ-
terisq; muneribus fortissimo Duce dignis, quid
dicam? cum hæc omnia etiam me tacente, in
hoc graui ac periculoso bello, quod contra per-
duelles Moschos pro regni & imperij finibus,
pro libertate gentis, pro nominis Poloni gloria,
pro Sanctissimi iusiurandi religione violata Du-

ce & auspice Sereniss: VLADISLAO gerimus, illustriora sint, quam vt illa debeam commemorare. Quid Stanislaus & Adamus filij tui Illustriss: Domine, nonne ad similem spem, maximis & illustribus suis meritis ac contentionibus assurgunt? Sæpius illi tuis clarissimis meritis, atq; laboribus quæ in maximis bellis, toto vitæ Tuæ cursu pro Reip. defensione fortissimè suscepisti, ad similem gloriam & virtutis imitationem excitantur: neq; fas esse putant versari se in veteri alienorum exemplorum admiratione, cum illis liceat præsens ac gentilitium iure hæreditario fortitudinis possidere decus. Neq; enim potentiora sunt aliena, quàm nostra in nobis exempla ad virtutum imitationem. Itaq; Tu illis benè munitam Tuo exemplo ad gloriam & immortalitatem strauisti viam, Tu illos admonitionibus ad pietatem inflammasti, præceptis ad fortitudinem excitasti, vitâ moribusq; ad iustitiam, temperantiam, animi moderationem & constantiam finxisti, formasti, confirmasti. Neq; enim ocio turpi, neque illecebris inanibus vñquam indulxisti, non vitæ genus molle ac voluptuari-

ptuarium delibasti, non blandissimis vnquam Syrenū vocibus aures accommodasti tuas, sed Te totum rigidis militiæ armorumq; exercitijs, in obsequiū Patriæ dulcissimæ addixisti ac consecrasti. Nam posteaquā eas artes, quibus ætas puerilis ad humanitatem imbui solet, ex fontibus Academicis, pleno ore hausisses, ad labores grauissimos, vigilias, exercitiāq; tum aulica, tum militaria, animum quàm diligentissimè Tuum admouisti & accommodasti. Aulica equidē omnis Tua occupatio (vt hinc potissimum cōmendationem Tuę virtutis attingam) nihil leue, nihil insolens, nihil abiectum, nihil reprehensione dignū spirabat vnquam: sed semper grauis, moderati, & excelsi animi laudabilia dabat argumenta. Nam errant, & vehementer hallucinantur, qui pietatem, qui constantiam, qui grauitatem, qui morum integritatem, cæterasq; virtutes ingenuo homine dignas, ab aula in remotissimum quoddam desperationis exilium abigendas esse, & eiiciendas arbitrantur. Honestatis est aula, non sceleris palæstra, bonorum ingeniorum asyllum, non ignauix, vt quidam putant receptaculum, non turpis

ocij, sed gloriosi negotij ac laboris officina; prudentiæ, temperantiæ, fortitudinis, iustitiæ gymnasium, vbi generosi animi, ad spem Patriæ, & Ecclesiæ, summis grauissimorum virorum exemplis excitantur, & tanquam in Prytaneo Honore, ad omne Reipub. obsequium, formantur & educantur. Itaq; prudentissimi atq; dignissimi quiq; Ciues Patriæ, saluberrimo & optimo consilio, ab Alma nostra bonorum ingeniorum altrice Academia, suos filios emissos, in aulas Principum, tanquam in theatrum & lucem Reip. pulcherrimam, & semper mittebant, & hoc tempore mittere solent, Neq; verò mihi obganniat vllus etiam si è cælo defluerit Cato, plerosq; in aula morosos, asperos, superbos, difficiles, & multis magnisq; vitijs, ac sceleribus infectos, ac inquinatos viuere, qui nec sibi quicquam, suæq; rei priuatæ, nec Reip. adferre possint emolumentum ac solatij. Nam præterquam quod difficile sit hoc affirmare de omnibus, quis ista non aulæ, sed hominum esse vitia recognoscit? Omnino soluti ac fluentes animi, non accipiunt ab aulis mala ista, sed in aulas afferunt; vt qui virtutes in clarissimis

rissimis sibi propositas nobilissimorum aulicorum exemplis debebant exprimere & imitari, maluerint prauo quodam ingenij sui deliquio, inconsultæ multitudinis temeritate abripi, & errores ex aliena licentia decerpere. Sed demus aliquid aulicæ leuitati, ingenuus tamen & generosus adolescens, nunquam hanc in suum animum admittet, nunquam harum nugarum suspitione laborabit, nunquam se vllis illecebris, de recta virtutis ac probitatis statione dimoueri patietur, imò ex frequentibus prauorum etiam aulicorum periculis prudentem, in suum bonum capiet cautionem. Quis ignorat laboriosas apes, non ex omni solum optimorum genere flosculorum, sed ex ipsis etiam vrticis, mel dulcissimum colligere: areneos verò, vel ex purissimis rosis teterrimum venenum fugere?

Non recipit mens pura malum, neq̃ fortibus heret.

Inspersæ fibris macule.

Sicut verò solem videmus loca omnia etiam impura illuminare non tangere: sicut Alphæum tradunt veteres Arethusæ misceri, nec quicquam tamen ab ea trahere: ita aulicis moribus nobilis & inge-

ingēnuus animus erit intentus, vt sit nec virtū-
tis immemor, nec sui. Ibi omiſſis ineptijs lite-
ras amœniſſimas, deducet in ſolidum publicæ
lucis exercitium, & quantum ingenio, quantum
uſu, conſuetudineq; rerum, quantum optima-
rum artium ſtudio, quantum eloquentiâ & au-
thoritate profecerit, in conſpectu grauiſſimo-
rum virorum luculentiffimè probabit. Non fe-
rebant ſummi, in hac Rep. viri, & indignum hu-
ius Patriæ moribus iudicabant, vt is qui nobiliſſi-
mus eſſet, & in hoc ſole, in hac luce natus aude-
ret in tenebris, ſine publico virtutis exercitio
vivere. Orator equidem noſter Roxolanus in
ea panegyri, quam in Nuptias Ioannis Chriſto-
phori Tarnouij ſcripſit, inter alias excellentes
eius viri laudes illam quoq; adiungit non poſtre-
mam, vt à Patre Ioanne Tarnouio grauiſſimo &
prudentiſſimo Senatore (qui Dacorum, Moſcho-
rum, Scytharumq; victor fuit longè fœliciſſimus)
è ſinu matris auulſus in Germaniam ad Ferdi-
nandum Romanum, Regem, miſſus fuerit, vt in-
ter filios Ferdinandi adoleuerit, vt ſub ipſo Fer-
dinando, militiam & graue Martis op̃s exercue-
rit, vt

rit, vt virtutes maximas ab eo Imperatore hau-
ferit, quo consilio, grauitate, constantiâ, fælici-
tate, cæterisq; tum honoris, tum ingenij, ac re-
rum gestarum ornamentis, nemo maior aut spe-
ctatior, inter principes orbis Christiani illo sæ-
culo florentissimos, aut fuit, aut esse potuit. Hac
Tu laude conspicuus in aulis nobilissimorum prin-
cipum floruisti, his initijs atq; gradibus, honores
amplissimos meruisti, his moribus adolescenti-
am rexisti, & erexisti tuam. Nam inter nobilif-
simos aulicos, primo STEPHANI BATHO-
REI, deinde SIGISMVNDI III. sapientif-
simorum grauissimorumq; Regum, ita versaba-
ris, vt si non omnibus superior, æqualis tamen
semper, nunquam inferior habereris: atq; ita te
moderatè, prudenter ac circumspectè semper
gessisti, vt nec virtus tua præmio caruerit glorio-
so, nec inuidiam in se tamen concitarit alienam!
Eos certè nunquam ad tuam familiaritatem ad-
misisti, qui vitæ turpitudine, aut ebrietate, aut
luxuriosâ libidine, aut feroci immanitate, aut
alicuius sceleris contagione fuissent inspersi vel
obfuscati: sed eorum semper amicitiam exopta-
sti, eorum mores suspexisti, qui potissimum con-

D

tinen-

inentiâ, sobrietate, prudentiâ, iustitiâ, cæterisq;
clarissimis virtutibus luculentissimè flourissent.
Memineras enim Te ea ex familia ortum, quæ
summis semper virtutibus claruisset: sciebas mo-
numenta antiquitatis nobilissimam de maiorum
tuorum virtutibus reliquisse commendationem:
vnde non solum illorum præclarè rebus gestis,
sed tuis etiam rectè factis illustrem tuæ genti glo-
riam conciliare voluisti. Perfecisti virtutibus a-
nimum, excoluisti optimis disciplinis ingenium,
auxisti meritis patriâ, amplissimis honoribus Fa-
miliam, gentemq; Tuam cumulaisti: & cum eas
dotes animi, & corporis singulari naturæ bene-
ficio, possedisses, quibus per se singulis immortali-
tatem assequi posses, non Te satis tamen fieri posse
gloriosū putasti, nisi omnibus illustris, omnibus
admirabilis, omnibus cōspiciuus ac absolutissimè
cōmendatus esses. Fælici equidem sydere labo-
riosam militiæ spartam suscepisti, fælicius tracta-
sti, fælicissimè adornasti, & huc vsq; incredibili-
bus amplissimorum meritorum accessionibus a-
dornas. Nam quid ego referam, quas laudes, quas
adoreas, quæ encomia, bellorum certaminibus
fueris consecutus, quibus ornamentis labo-
riosam

riofam vitam exegeris, quā pietate in patriam
vſus fueris, cum hæc ipſa veneranda Tua cani-
ties, tantiq; quibus fruereſ honores (vt verò quā
longiſſimos in annos fæliciſſimè fruaris Deū glo-
rioſum feruentiſſimis votis precamur) & omnes
qui veræ virtutis guſtum habent, Patriæ Ciues te-
ſtari poſſunt. Teſtis eſt HVNGARIA, quæ tuum
Equitatum omni ſplendore, & magnificentiâ in-
ſtructum, apud STEPHANVM BATHOREVM
admirabatur: huius enim Regis frequētem face-
re debeo mentionem, apud quem Tu propter exi-
miam ſingularemq; virtutem tuam in primis flo-
ruisti. Teſtis eſt LIVONIA, quæ fortiſſimis legio-
nibus, impreſſionibusq; tuis, iter noſtro exerci-
tui, in ſua viſcera aperuit. Teſtis eſt MOSCHO-
VIA, quæ ſæpius ſuæ fraudis, atq; ſcleris SIGI-
SMVNDI III. fortiſſimo atq; feliciſſimo victo-
ri pænas dedit, & nunc VLADISLAVO IV.
vltori & vindici iuſtiſſimo dabit. Teſtis eſt Scy-
thia, quam fugaciſſimi prædatores tuis armis to-
ties répreſſi & fatigati, turpi trepidatione com-
pleuerunt. Fauit enim Tuæ ſemper indiſtriæ,
proſpera fortuna, quæ virtutem ducem comita-
tur: hinc celebre tuum nomen non ſolum in no-

stra Repub. eluxit, sed vicinas etiam regiones omnes promptam faciliè rapuit in admirationem! Ut verò hostuos in re militari labores maximos omittam, quos nullum flumen ingenij, nulla dicendi aut scribendi vis, atque copia sufficienter explicare potest, quis in Te, pietatem, quâ ardes in Deum, religionisq; Catholicæ promotionem, meritò non admiretur? De qua ego copiosam instituere possem dictionem, nisi suspicionem assentationis apud Te virum præsertim grauissimum cōsultò fugerem. Vera equidē pietas, fingi & orrari minimè cupit, contenta est suo precio, quod diligentibus se Deus præparauit: Vera pietas fugit ostentationem, non erigitur blando spectantium susurro, non turgescit laude, non inflatur ambitione, non aurâ populari commouetur. Magnum illi theatrum conscientia est: magna gloria mentis innocentia, atq; puritas, magnum præmium, magnus testis & iudex Deus. Liberalis est non auara, benigna non aspera, patiens non inflata, modesta non superciliosa, humilis & candida, non fucata; ac deniq; eiusmodi vt potius in corde, quàm in ore, in Deo, quàm in populo habitare velit, ac conquiescere. Hanc cum ipso
spiritu,

spiritu, à parentibus religiosissimis hausisti, & à prima
adolescencia semper cultam & obseruatam in
omni vita auxisti & propagasti: huic mentem &
cor, actiones cogitationesque omnes deuouisti &
consecrasti: hanc summo studio & diligentia tene-
rum in animum Sereniss: VLADISLAI Princi-
pis instillasti, cuius virtutum custos, & admirator
fœlicissimus à sapientissimo & grauiissimo Rege SI-
GISMVND O III. delectus & assignatus fuisti.
Itaq; Tibi Senatus, Tibi Equester ordo florentissi-
mus, Tibi Resp. vniuersa, officiosam agit gratiarum
actionem, pro illis maximis propensissimisq; officijs
tuis, pro illis laboribus, vigilijs, exercitijsq; milita-
ribus, quæ Serenissimo Principi, in omni cursu vitæ
studiosissimè fœlicissimèq; impendisti: & omnibus
gentibus ad bonè de Rep. Polona sperandum quasi
signum aliquod erexisti. Magnæ sunt Tuæ laudes,
magna Tua encomia Illustriss: D. quod egenis auxi-
liatricem manum, facili negotio subijcias, ; quod af-
flictos excites & erigas ad spem bonam, quòd ami-
cos beneuolentiâ & candore complectaris, quòd in
viros omnium Familiarum religiosissimos, passim
liberalissimam munificentiam effundas, & exerceas,
quòd Polonam & Academicâ impensissimè tuearis

libertatem eamq; ab impressionibus maleuolorum
vindices, quòd deniq; Ciuium bonarum partium
animos, incredibili humanitate, comitate, affabili-
tate, Tibi deuincias, meritis & honoribus illustres
& promoueas: verum hoc affirmo, & hoc pace di-
cam Tua, nullam in his esse laudem, nullam gloriam
ampliolem firmioremq; quàm eam, quam ex altrice
curâ, ex illa sollicitudine Tua, ex illis expeditioni-
bus bellicis, quas cum Sereniss: Principe VLADI-
SLAO gloriosissimè gessisti consecutus es. Non exi-
guam equidem partem earũ laudum meritorumq;
maximorum Tibi decerpere potes, quæ Sereniss: ac
fælicissimus Rex noster Dominusq; clementiss: sum-
ma cum nominis sui gloria, in annalibus æternita-
tis defixit ac collocauit. Itaq; quòd populorum mo-
tus concitatos comprimat, iudiciorum religionem
conseruet, Senatus grauitatem autoritate pruden-
tiâq; suâ moderetur: quod viros fortes, præmijs or-
net, languentes militum animos, fortitudine & e-
xēplo suo ad gloriosam excitet imitationem; quòd
impressiones barbarorum, à finibus regni, à fortunis,
à templis, à Ciuitatibus arceat, reprimatq; , quòd o-
pem ferat obsessis vrbibus, det salutem gentibus sup-
plicibus, liberet periculis, bellum ipse pro incolu-
mitate,

mitate, & tranquillitate subditorum, pro legibus,
pro libertate, pro religione, pro aris & focis susci-
piat: quod depugnet pro gētis nominisq; sui gloriâ,
inuigilet pro immortalitate, pietatem in Deum, li-
beralitem, munificentiam, magnanimitatem in
benè meritos Ciues, cæterasq; optimo Principe di-
gnas virtutes colat, & exerceat: hæc tanta, tamq;
illustria negotia, nunquam sine Te, semper (quod
sciam) Tecum gerere & expedire solet, Vnde ma-
iori omnino apud prudentissimū clementissimumq;
Regem gratiâ & auctoritate polles, quàm aut Li-
nus apud Herculem, aut Chyron, vel Phænix apud
Achillem, aut Nestor apud Agamemnonem, aut Ly-
sias apud Epaminundam, aut apud Alexandrum
Magnum Lysimachus, aut apud Æneam Achates,
aut apud Demetrium Phalereum Theophrastus, aut
apud Traianum Plutarchus, aut si qui vnquam vir-
tute, ingenio, auctoritate, eximij viri, apud orbis
Principes clarissimos in fauore & beneuolentiâ flo-
ruerunt. Te quidem, tuamq; Familiam florentissi-
mam Illustriss: Domine, dum habebimus, vt autem
quàm diutissimè habeamus, velle & optare debe-
mus, non nimis vt puto veteres illos Heroes, regno-
rum & imperiorum defensores gloriosos desidera-
bimus,

bimus, quos vel superba Græcia, vel prodiga bono-
rum virorum Sparta, vel feracissima fortissimorum
bellatorum Italia, vel ceteræ gentes ac nationes ad
stuporem & ostentationem iactare solent. Ita enim
Te primis ab annis assiduitate in bonis studijs, & e-
xercitijs aulicis & militaribus comparasti, ita bene-
uolentia in amicos floruisti, ita Te dexteritate in ne-
gotijs, meritis in Ciues, fide, candore, assiduitate
officiorum, in Regum potentiss: gratiâ confirma-
sti & illustrasti, vt Te istas virtutes atque ornamē-
ta, non solum præ multis qui viuunt in primis possi-
dere, sed etiam quod in omnibus rebus caput est,
ferè præ omnibus maximè decere, facile (sine ia-
ctatione & inuidia) possis demonstrare. Quare vte-
re isto tuo tanto, tamq; excellenti bono, & fruiere
fælix, cum ad Dei Opt: Max: gloriam, tum ad Sere-
nissimi Regis honorem ac ornamentū, tum ad Eccle-
siæ & Reip. emolumentum, tum deniq; ad Illustriss:
Gentis Tuæ, decus & incrementum longe maxi-
mum; tuas equidem virtutes, merita, honores,
omnis suspiciet posteritas, omnis fouebit,
& admirabitur immortalitas.

D I X I.



Biblioteka Jagiellońska



stdr0019527

